



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Veteran's affairs

СТПРИМАЉЕНО

24-08-2021

**Broj: 06-11-26344-7/21**  
**Sarajevo, 23.08.2021. godine**

potpis

Na osnovu čl. 64. stav 1. tačka (b), 70. st. 1, 3. i 6. Zakona o javnim nabavkama BiH („Službeni glasnik BiH“, broj 39/14), člana 1. stav 1. tačka (a) pod (2) Pravilnika sa popisom ugovornih organa po kategorijama koji su obavezni primjenjivati Zakon o javnim nabavkama BiH („Službeni glasnik BiH“, broj 21/15), člana 8. stav 2. tačka (f) Pravilnika o uspostavljanju i radu komisije za javne nabavke („Službeni glasnik BiH“, broj 103/14), čl. 58. i 68. stav (1) Pravilnika o javnim nabavkama Ministarstva za boračka pitanja Kantona Sarajevo („Službene novine Kantona Sarajevo“, broj 45/19), na preporuku Komisije za javne nabavke broj: 06-11-26344-5/21 od 20.08.2021.godine, u postupku javne nabavke: Izvođenje građevinskih radova i pružanje građevinskih usluga za pripadnike boračke populacije Kantona Sarajevo za 2021. godinu - uz primjenu E-aukcije u skladu sa Pravilnikom o uslovima i načinu korištenja E-aukcije („Službeni glasnik BiH“, broj 66/16), nabavka broj 06-11-26344/21 od 30.06.2021. godine, obavještenje o nabavci objavljeno na Portalu javnih nabavki pod brojem: 920-1-3-9-3-45/21 i u „Službenom glasniku BiH, Tenderska dokumentacija objavljena na Portalu javnih nabavki, Ministar za boračka pitanja Kantona Sarajevo donosi

## **O D L U K U**

**o izboru najpovoljnijeg ponuđača za javnu nabavku:  
Izvođenje građevinskih radova i pružanje građevinskih usluga  
za pripadnike boračke populacije Kantona Sarajevo za 2021. godinu  
Otvoreni postupak uz primjenu E-aukcije  
JRJN: 45000000-7 (Građevinski radovi)**

### **Član 1.**

**Prihvata se preporuka Komisije za javne nabavke broj: 06-11-26344-5/21 od 20.08.2021. godine i okvirni sporazum za javnu nabavku: Izvođenje građevinskih radova i pružanje građevinskih usluga za pripadnike boračke populacije Kantona Sarajevo za 2021. godinu dodjeljuje se ponuđaču „SELA“ d.o.o. Sarajevo d.o.o. ponuda broj: 06-11-29121/21 od 26.07.2021. godine, za ponuđenu cijenu nakon provedene E-Aukcije 128.201,40 KM bez PDV-a, odnosno 149.995,68 KM sa PDV-om**

### **Član 2.**

Prijedlog okvirnog sporazuma o nabavci dostavit će se na potpis izabranom ponuđaču „SELA“ d.o.o. Sarajevo po protoku roka od 15 dana, računajući od dana od kada su svi ponuđači obaviješteni o izboru najpovoljnijeg ponuđača.

### Član 3.

Za izvršenje ove Odluke zadužuje se i ovlašćuje sektor za boračko invalidsku zaštitu u saradnji sa sektorom za ekonomske poslove i projekte Ministarstva za boračka pitanja Kantona Sarajevo.

### Član 4.

Ova Odluka objavit će se na web-stranici Ministarstva za boračka pitanja Kantona Sarajevo [www.mbp.ks.gov.ba](http://www.mbp.ks.gov.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

### Član 5.

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama BiH.

## O b r a z l o ž e n j e

Postupak javne nabavke: Izvođenje građevinskih radova i pružanje građevinskih usluga za pripadnike boračke populacije Kantona Sarajevo za 2021. godinu pokrenut je Odlukom o pokretanju postupka javne nabavke broj: 06-11-26344/21 od 30.06.2021. godine.

Javna nabavka je provedena otvorenim postupkom uz primjenu E-aukcije.

Procijenjena vrijednost javne nabavke je 128.205,00 KM.

Obavještenje o javnoj nabavci je objavljeno na Portalu javnih nabavki pod brojem: 920-1-3-9-3-45/21 i u „Službenom glasniku BiH“.

Krajnji rok za dostavljanje ponuda prema obavještenju i tenderskoj dokumentaciji objavljenim na Portalu javnih nabavki bio je 26.07.2021 godine do 10.00. sati.

Javno otvaranje ponuda bilo je 26.07.2021. godine u 11.00 sati.

Komisija za javne nabavke imenovana Odlukom ministra broj: 06-11-7946/21 od 09.03.2021. godine dana 26.07.2021. godine u 11.00 sati izvršila je javno otvaranje ponuda po otvorenom postupku javne nabavke: Izvođenje građevinskih radova i pružanje građevinskih usluga za pripadnike boračke populacije Kantona Sarajevo za 2021. godinu.

Na javnom otvaranju ponuda nisu prisustvovali ovlašteni predstavnici ponuđača.

Zapisnik o otvaranju ponuda zajedno sa zapisnikom o zaprimanju ponuda prosljeđen je svim učesnicima u postupku u skladu sa članom 63. stav 6. Zakona o javnim nabavkama BiH („Službeni glasnik BiH“, broj 39/14).

### Ponuđači koji su dostavili blagovremene i potpune ponude:

| Redni broj | Ponuđač   | Vrijednost ponude (bez PDV-a) | Popust | Vrijednost ponude sa popustom bez PDV-a | Vrijednost ponude sa popustom sa PDV-om |
|------------|---|-------------------------------|--------|---|---|
| 1.         | Senigor d.o.o. Ilidža, Sarajevo kao lider konzorcija sa Eko Teh d.o.o. Sarajevo | 154.255,40 KM                 | 0%     | 154.255,40 KM                           | 180.478,82 KM                           |
| 2.         | Sela d.o.o. Sarajevo  | 128.201,20 KM                 | 0%     | 128.201,20 KM                           | 149.995,40 KM                           |

Ovakve ponuđene cijene su utvrđene na javnom otvaranju ponuda i unesene su u Zapisnik o otvaranju ponuda od 26.07.2021. godine. u 11.00 sati.

Evaluacijom ponuda Komisija je utvrdila da je ponuđač Senigor d.o.o. Sarajevo dostavio ponudu kao lider konzorcija sa Eko Teh d.o.o. Sarajevo (Ugovor o konzorciju broj: 116/ETP/21 – 299-07/21 od 20.07.2021. godine) i Ovlaštenje za zastupanje broj 120/ETP/21 od 22.07.2021. godine. Prema navedenom Ugovoru lider konzorcija Senigor d.o.o. Sarajevo je od strane Eko Teh d.o.o. Sarajevo između ostalog ovlašten da u ime konzorcija poduzima sve potrebne radnje u smislu zastupanja konzorcija u odnosima sa ugovornim organom.

Prema Ovlaštenju za zastupanje navedeno je da ponuđač Senigor d.o.o. Sarajevo u predmetnom postupku javne nabavke ima pravo istupa, predstavljanja i ovlaštenje za potpisivanje ugovora u ime ponuđača Eko Teh d.o.o. Sarajevo za predmetni postupak javne nabavke.

Tokom evaluacije ponuda Komisija uvijek vrši i računsku provjeru specifikacije (obrasca za cijenu ponude – radovi) prema jedničnim cijenama (koje se smatraju nepromjenjivim), te ukoliko utvrdi grešku u ukupnoj vrijednosti o istoj obavještava ponuđača koji je dužan prihvatiti ispravljeni iznos, a u suprotnom ponuda se odbacuje, a što je u skladu sa predmetnom tenderskom dokumentacijom gdje je između ostalog navedeno „ako postoji razlika između jedinične cijene i ukupnog iznosa koji se dobije množenjem jedinične cijene i količine, jedinična cijena koja je navedena će imati prednost i potrebno je ispraviti konačan iznos“.

**1. Senigor d.o.o. Sarajevo kao lider konzorcija sa Eko Teh d.o.o. Sarajevo** (Ugovor o konzorciju broj: 116/ETP/21 – 299-07/21 od 20.07.2021. godine) i Ovlaštenje za zastupanje broj 120/ETP/21 od 22.07.2021. godine

Nakon provjere računске ispravnosti, a na osnovu upisanih jediničnih cijena, utvrđena je razlika u ukupnoj cijeni na više artikala čijom korekcijom se vrijednost ponude mijenja na iznos 154.823,40 KM bez PDV-a, odnosno 181.143,39 KM sa uračunatim PDV-om.

Ukupna cijena sa PDV-om za svaku poziciju je dobivena množenjem cijene po jedinici pez PDV-a sa ukupnom količinom, te sa 1,17 uz zaokruživanje na dvije decimale. Ove vrijednosti su sabrane u cilju dobivanja konačne vrijednosti ponude.

Na više mjesta je utvrđena razlika između upisane ukupne vrijednosti po određenoj poziciji sa vrijednosti koja je dobivena na gore navedeni način. Pretpostavljamo da je do razlike došlo prilikom računarske obrade (polje zaokruživanja, način zaokruživanja i slično).

Preračunata vrijednost ponude iznosi KAKO SLIJEDI:

| <b>OPIS POSLOVA</b>                     | <b>J.M.</b>   | <b>Ukupna cijena bez PDV-a</b> | <b>Ukupna cijena sa PDV-om (cijena po jedinici x količina x 1,17)</b> |
|---|---------------|--------------------------------|---|
| <i>UKUPNO BETONSKI RADOVI</i>           | <i>ukupno</i> | 2.701,00                       | 3.160,17  |
| <i>UKUPNO ZIDARSKI RADOVI</i>           | <i>ukupno</i> | 11.564,50                      | 13.530,47   |
| <i>UKUPNO TESARSKI RADOVI</i>           | <i>ukupno</i> | 29.078,00                      | 34.021,26   |
| <i>UKUPNO KROVOPOKRIVAČKI RADOVI</i>    | <i>ukupno</i> | 19.718,00                      | 23.070,06   |
| <i>UKUPNO KERAMIČARSKI RADOVI</i>       | <i>ukupno</i> | 19.171,00                      | 22.430,07   |
| <i>UKUPNO MOLERSKO-FARBARSKI RADOVI</i> | <i>ukupno</i> | 20.447,00                      | 23.922,99   |
| <i>UKUPNO STOLARSKI RADOVI</i>          | <i>ukupno</i> | 26.534,00                      | 31.044,78   |
| <i>UKUPNO PODOPOLAGAČKI RADOVI</i>      | <i>ukupno</i> | 4.352,50                       | 5.092,43  |
| <i>UKUPNO LIMARSKI RADOVI</i>           | <i>ukupno</i> | 2.225,00                       | 2.603,25  |
| <i>UKUPNO VODOVOD I</i>                 | <i>ukupno</i> | 13.337,00                      | 15.604,29   |

|   |               |                   |                   |
|---|---------------|-------------------|-------------------|
| <i>KANALIZACIJA</i>                               |               |                   |                   |
| <i>UKUPNO<br/>ELEKTROINSTALATERSKI<br/>RADOVI</i> | <i>ukupno</i> | 5.695,40          | 6.663,62          |
| <b><i>SVE UKUPNO</i></b>                          |               | <b>154.823,40</b> | <b>181.143,39</b> |

Ponudaču Senigor d.o.o. Sarajevo kao lideru konzorcija sa Eko Teh d.o.o. Sarajevo upućen je zahtjev za dostavljanje saglasnosti na korekciju cijene broj: 06-11-29120-1/21 dana 28.07.2021. godine, na šta je ponuđač u roku dostavio saglasnost za korekciju cijene broj: 05-07/21 od 29.07.2021. godine.

Izračunata Ukupna ponuđena cijena (nakon korekcije navedenih računskih grešaka) iznosi 154.823,40 KM, odnosno 181.143,39 KM sa PDV-om i ista se koristila u daljem postupku.

## **2. Sela d.o.o. Sarajevo**

Nakon provjere računске ispravnosti, a na osnovu upisanih jediničnih cijena, utvrđena je razlika u ukupnoj cijeni na više artikala čijom korekcijom se vrijednost ponude mijenja na iznos 128.201,40 KM bez PDV-a, odnosno 149.995,68 KM sa uračunatim PDV-om.

Takođe na više mjesta je utvrđena razlika između upisane ukupne vrijednosti po određenoj poziciji sa vrijednosti koja je dobivena na gore navedeni način. Pretpostavljamo da je do razlike došlo prilikom računarske obrade (polje zaokruživanja, način zaokruživanja i slično).

Preračunata vrijednost ponude iznosi KAKO SLIJEDI:

| <b><i>OPIS POSLOVA</i></b>                        | <b><i>J.M.</i></b> | <b>Ukupna cijena bez PDV-a</b> | <b>Ukupna cijena sa PDV-om (cijena po jedinici x količina x 1,17)</b> |
|---|--------------------|--------------------------------|---|
| <i>UKUPNO BETONSKI RADOVI</i>                     | <i>ukupno</i>      | 3.203,30                       | 3.747,86  |
| <i>UKUPNO ZIDARSKI RADOVI</i>                     | <i>ukupno</i>      | 10.374,90                      | 12.138,64   |
| <i>UKUPNO TESARSKI RADOVI</i>                     | <i>ukupno</i>      | 21.534,00                      | 25.194,78   |
| <i>UKUPNO KROVOPOKRIVAČKI RADOVI</i>              | <i>ukupno</i>      | 14.653,50                      | 17.144,60   |
| <i>UKUPNO KERAMIČARSKI RADOVI</i>                 | <i>ukupno</i>      | 14.189,90                      | 16.602,19   |
| <i>UKUPNO MOLERSKO-FARBARSKI RADOVI</i>           | <i>ukupno</i>      | 7.230,20                       | 8.459,34  |
| <i>UKUPNO STOLARSKI RADOVI</i>                    | <i>ukupno</i>      | 32.027,00                      | 37.471,59   |
| <i>UKUPNO PODOPOLAGAČKI RADOVI</i>                | <i>ukupno</i>      | 3.319,30                       | 3.883,59  |
| <i>UKUPNO LIMARSKI RADOVI</i>                     | <i>ukupno</i>      | 1.848,50                       | 2.162,76  |
| <i>UKUPNO VODOVOD I KANALIZACIJA</i>              | <i>ukupno</i>      | 13.532,00                      | 15.832,43   |
| <i>UKUPNO<br/>ELEKTROINSTALATERSKI<br/>RADOVI</i> | <i>ukupno</i>      | 6.288,80                       | 7.357,90  |
| <b><i>SVE UKUPNO</i></b>                          |                    | <b>128.201,40</b>              | <b>149.995,68</b>   |

Ponudaču Sela d.o.o. Sarajevo upućen je zahtjev za dostavljanje saglasnosti na korekciju cijene broj: 06-11-29121-1/21 dana 28.07.2021. godine, na šta je ponuđač u roku dostavio saglasnost za korekciju cijene dana 29.07.2021. godine.

Izračunata ukupna ponuđena cijena (nakon korekcije navedenih računskih grešaka) iznosi 128.201,40 KM, odnosno 149.995,68 KM sa PDV-om i ista se koristila u daljem postupku.

Nakon dostavljenih saglasnosti od strane ponuđača o korekciji ponuđenih cijena nastavljena je dalja kompletna analiza dostavljenih ponuda.

Komisija za javne nabavke je utvrdila da su u ostalim elementima obje ponude potpune, te se pristupilo zakazivanju E-Aukcije.

E – Aukcija je zakazana za dan 11.08.2021. godine u 12.00 sati u trajanju od 20 minuta.

Nakon okončane E-Aukcije, Agencija za javne nabavke je dostavila Izvještaj o provedenoj E-Aukciji.

U dostavljenom Izvještaju utvrđena je rang lista ponuđača kako slijedi:

1. Sela d.o.o. Sarajevo – ponuđena cijena nakon provedene E-Aukcije je 128.201,40 KM
2. Senigor d.o.o. Sarajevo – ponuđena cijena nakon okončane E-Aukcije je 154.823,40 KM

Utvrđeno je da su ponuđači nakon provedene E-Aukcije ostali pri ponuđenim (korigovanim) cijenama, te je utvrđeno da je najpovoljniji ponuđač u ovom postupku javne nabavke Sela d.o.o. Sarajevo sa ponuđenom cijenom 128.201,40 KM bez PDV-a, odnosno 149.995,68 KM sa PDV-om.

Analizom cijena nakon provedene E- Aukcije, Komisija za javne nabavke je ponuđaču Sela d.o.o. Sarajevo uputila zahtjev za pojašnjenje neprirodno niske cijene nakon okončane E-Aukcije, a što je u skladu sa mišljenjem/tumačenjem Agencije za javne nabavke BiH od 16.12.2020. godine, u kojem je navedeno slijedeće:

„Ugovornom organu nije zabranjeno da zahtjeva obrazloženje neprirodno niske cijene i prije zakazivanja i nakon završetka e-Aukcije. Naime, član 66. Zakona, ne definiše eksplicitno na koju ponuđenu cijenu se isto može zahtjevati već je to ostavljeno na dispozitiv ugovornom organu tj. da obrazloženje može zahtjevati kada „ocijjeni“, odnosno „smatra“ da je „ponuđena cijena neprirodno niska“. Naravno, izuzetak obaveznosti provjere jeste gore pomenuta situacija definisana članom 17. stva (7) Uputstva.

Slijedom toga, ugovorni organ može ocijeniti da je određena cijena ponuda neprirodno niska i prije zakazivanja e-Aukcije ali i nakon njenog završetka“.

Shodno mišljenju i tumačenju ovog pitanja od strane Agencije za javne nabavke BiH koja je i donosilac Zakona i podzakonskih akata, na upućen zahtjev za pojašnjenje neprirodno niske cijene, pojašnjenje ponuđača Sela d.o.o. Sarajevo nam je dostavljeno u ostavljenom roku kako slijedi:

„Ponuđač Sela d.o.o. Sarajevo je dostavio pojašnjenje neprirodno niske cijene u kojem je navedeno da su se pri formiranju cijena vodili tržišnim cijenama materijala, te cijenama radne snage. Takođe navode i visok nivo produktivnosti u kompaniji ponuđača koji je je jedan od faktora koji je uticao na formiranje cijene, a i sama produktivnost je proizvod dugogodišnjeg iskustva radnika na istim ili sličnim poslovima.

Ponuđač Sela d.o.o. Sarajevo u pojašnjenju naveo da ponuđena cijena predstavlja potpuno realan iznos za izvršenje predmetnih radova i pružanje usluga“.

Komisija za javne nabavke je ovakvo pojašnjenje prihvatila, te konstatovala da je ponuđena cijena najpovoljnijeg ponuđača približna visini procijenjene vrijednosti predmetne javne nabavke, odnosno konstatuje se da je dobro izvršena procjena od strane stručne komisije kao i vanjskog člana za predmet javne nabavke, diplomiranog arhitekta, te jednoglasno prihvata ponuđenu cijenu.

Drugorangirani ponuđač nije iskoristio pravo na takmičenje u postupku E-Aukcije, odnosno ostao je pri ponuđenoj cijeni (korigovanoj cijeni), iako je po nekim stavkama iz specifikacije ponudio znatno višu cijenu u odnosu na prvorangiranog ponuđača.

Komisija za javne nabavke je održala ukupno 4 sastanka u periodu od 12.08.-20.08.2021. godine.

Na osnovu naprijed navedenog Komisija je sačinila preporuku ministru kao predstavniku ugovornog organa o izboru ponuđača Sela d.o.o. Sarajevo sa ponuđenom cijenom 128.201,40 KM bez PDV-a, odnosno 149.995,68 KM sa PDV-om.

Prema zapisnicima, preporuci i izvještaju dostavljenim od strane Komisije za javne nabavke u postupku javne nabavke: Izvođenje građevinskih radova i pružanje građevinskih usluga za pripadnike boračke populacije Kantona Sarajevo za 2021. godinu, ocijenjeno je da je postupak blagovremeno proveden, te da je izbor prvorangiranog ponuđača „SELA“ d.o.o. Sarajevo izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stav 1. tačka b) Zakona o javnim nabavkama BiH, te člana 58. Pravilnika o javnim nabavkama Ministarstva za boračka pitanja Kantona Sarajevo („Službene novine Kantona Sarajevo“, broj 45/19), odlučeno je kao u članu 1. ove Odluke.

## POUKA O PRAVNOM LIJEKU

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se podnosi Ministarstvu za boračka pitanja Kantona Sarajevo u 3 (tri) primjerka.

Dostaviti:

1. Ponuđačima X2;
2. Evidenciji;
3. a/a.



web: <http://mbp.ks.gov.ba>  
e-mail: [mbp@mbp.ks.gov.ba](mailto:mbp@mbp.ks.gov.ba)  
Tel: + 387 (0) 33 562-012,  
Fax: + 387 (0) 33 562-251  
Sarajevo, Reisa Džemaludina Čauševića 1

